

集部

欽定四庫全書文教集卷燈

詳校官檢討臣羅國俊 書臣劉源溥覆勘

總校官無吉士臣何思的 校對官中書 臣吳裕德 謄録舉人 直襲東震

次已四年任 胡運符坤厚承天協唇謀星華光帝座月彩麗神州仙 学院を表する さんかん 皇太后挽歌 上海 は関系となる関係に関 文毅集 **限歌隨逝水河漢遠天長** 覆下奕世壺儀光赤 明 解縉 撰

金分口匠台 青春二十餘文武竟誰如手握千鈞鼎胸婚萬卷書誓 翻翠浪擁地拓碧天開目斷雲飛處終身愧老菜 取蟾宫遠祥雲鳳闕收萬方俱失恃揮淚濕清秋 聖恩寬逐客萬里聽歸來未上凌烟閣先登望海臺水 心依日月盡力剪發魖稱爾封侯貴雲臺畫匪虚 贈東平侯韓勲之雲南 回京 鳳凰臺

南形勝在遠近畫圖開有感風雲會從天五馬來 久遊龍虎國每上鳳凰臺一水 浮衣带三山落酒杯東 虚簷迸玉鳴入夜轉分明風響不相似雨聲無此清倚 たここ日言 厠 窓情不倦撥火耳須傾想是梅花落梅花落更輕 自登天府鄰名舉國傳鳳池皆縮首禁苑盡推賢威 青雲上祥麟白日邊上林人共喜幾度錦衣還 聽雪軒 寄友 1.1.1 文段集

多分四周全書 世的如夢勢生能幾時冰霜惟自潔窮達任何知 鶴髮重華簪都門酒共斟家傳三世學素有二疏金聖 風髙楚天碧秋醉鳳凰池京國三年客扁舟歸獨遲滿 前日及柴扉行休頗自怡問人別後事得女寄來詩處 主思如海故山雲滿林承家賢子在相弱嗣徵音 傾桑落酒折盡桂花枝政爾相思處逢君又別離 一祭音書近高談復論文六經懸白畫千載信浮雲漢 寄胡光大 卷丘

龍 斯文天所賦吾道晚初成閒若陶元亮狂為禰正平登 聖恩寬逐客不遣過輪臺談笑潼關去雲霞仙掌開故 髙天以曠對月鏡逾清坐到晨鐘發寂寥三四聲 何多鑿秦坑亦合焚操觚任緩頗安得見華勲 深念汝遠道竟能來明日相思處高秋鴻雁回 7 江候明發戀關倍思親風急回征應舟行別故人望 發龍江 寄宋子環

多定匹庫全書 中知里開夢想聽韶鈞後夜多遙念風生淮水濱 仲氏同我去伯兄還帝城重來應有日此别不勝情 自入李楊河青山兩岸多馬當峰夾險龍渡峽流梭突 巨石水中流喷玩水面浮端然势砥柱恍若隔瀛洲風 雨波濤險魚龍窟宅幽江湖多勝跡來往一凝眸 **机橋去雙雙鷗驚迎到家無限好桑梓盡經行** 李楊河 拏吒石

大己の長八日 青山園一縣隱隱見人家亂石江邊出孤山帶日科翠 海門第一關巨石水中間陰雨蛟龍出天晴鸛鵲還 九一 卷 石奔騰萬頃波令朝逢小至擊楫大風歌 添官舍柳香泛驛樓花不見陶彭澤湓城起暮鴉 川浮玉笋兩岸見青山亦有摩崖宇蒼苔點點班 彭澤 小孤山 廬山 文彩集 (15

清江臨望處一一見鄉山玉笥浮雲去金川夕照殘維 鋪三百里馬出九霄間火在風塵際覽觀心自閒 扁舟過彭蠡遠遠見匡山巨石危將墮陰雲去復還平 金万口及人 舟訪甚隱飛鳥倦初還歸到仁山下漁樵日日閒 載交遊誼應同雷與陳論心偏慰籍談道最清真喬 五言排律 贈常熟陳二尹 清江晚眺 な五

桑麻威千門桃李春自慚空白首喜得重相親 草木敷紫大地同宫澗夜添三尺水京華日長萬花叢 春殿微微動好風密雲將雨下長空魚龍變化九天潤 小臣騰有為霖志一滴天瓢海字豐 木風烟舊哦松歲月新循良振名邑易簡悅居民百里 七言律 宴文華殿時雪方霽宫樹皆如玉石刻鏤上命 武英殿喜雨

次定习事心等

文毅集

開道征西人最苦雅書昨夜到金鑒 **蒸漿凝處玉闌干鵵班左右題詩急鶴駕從容帶笑看** 萬年枝上雪花寒摘下傳呼瑪瑙盤蔽露灑時珠的瀝 きりゅ 天晴監駕共登山中使傳宣薦玉盤金谷人遊紅步障 石房仙煉紫華丹猩紅浥露珊瑚軟鶴頂迎風瑪瑙寒 詞臣知此味渴中無惜齒牙酸 隨駕登紫金山賜果 取 瑪 瑙盤 和以族 獎且啖且賦 A

江東一帶駕與梁鰲背金鱗漢水光夷狄稱番來貢獻 君臣際世共明良雲隨鳳輦三千騎日照龍袍十二章 | 精座還稱萬壽杯王子吹簫雙鳳閱義城攬轡六龍回 萬福攸同寰宇静一人有慶兆民康 一侍臣此日承恩澤散作祥風遍八孩 御氣排空雉扇開金衣照日近臣來緑囊已進千秋鑑 隨駕往觀江東橋 萬壽節恭紀

欽定四庫全書 侍 紫禁追趙曙色寒景陽鐘動漏聲殘兩行銀燭通雙 仙郎奏對封題罷一曲 陽春和更難 **黃道澄清淑氣寒香泉王疆開雉翼燭搖金殿見龍顏** 銀燭熒煌夜色闌西華樓下漏聲殘天門掩映鶯花曙 道朝儀引百官星斗遙臨花外落旌旗只在仗中看 臣欲進陽春曲聖主思深賦轉難 早朝 武英殿應制 終 左 € € 闕

鳳花三月錦城新雲開御苑千峰晓氣轉陽和萬户春 紫駝銀甕色浮春扶搖九萬飛騰異禮樂三千制作新 瓊階玉殿迥無塵天子臨軒策小臣絳賴珠簾光照腾 草野書生何以報願隨丹禁棒絲綸 安得致身青鎖閮願隨冠服侍楓宸 金陵自古帝王関此際風雲慶會晨鳳閣九重仙仗肅 春日早朝 早 朝賜宴

一致定四庫全書 丹心 金盤薦果問青黃九重天上鳴釣樂五色雲中進玉觞 君臣千載共明良侍宴楓宸錫寵光鳥帽簪花搖翠緑 碧鮮沿階鳥迹多待詔金門須倚馬退朝紫禁共鳴珂 紫殿陰陰薩薛離小窓無事客順過緑槐夾道蟬聲集 丹陛拜颺酧聖主錦衣猶帶御鑪香 片期忠孝爭奈高堂遠別何 退朝即事 呈諸閣老 数3 五星 とこう 言 每有微言起後生細雨下過西掖樹薰風遙聽上林鶯 黄閉編摩屬老成文章落筆鬼神驚幾回青瑣陪高宴 文樓清曉聽雞人獨立丹墀拜紫宸三著錦衣懷往事 自慚淺薄才無補願竭忠勤答聖明 兩辭金閥覲雙親吾家自信多餘處聖主何私寵近臣 漢有心惟捧日陽和布德物皆春 思親 蒙思賜歸省恭紀 114.10 文段作

前年草草生離日竟是平生死別時屢遣小詩將問訊 多好四周全書 **些仗竟遠成死别東風將淚灑車塵** 朝 鳳池當日掌絲綸親侍紅雲選玉人華盎早解占瑞鵲 白玉堂前晚日暉一片丹心留上國幾回歸夢遠庭聞 回討論綠綸閣獨坐黃昏對紫複 拜嚴親二載餘晨昏定省竟疎達黃金殿上晴雲動 和賜帶級龍麟新詩每到莲菜和爲論時將古議陳 輓 郭 騎馬 卷五

仙家俗事無緣到虚負獨樓品玉簫 鐘鼓無聲夜寂寥露下遠山應晚鶴水來滄海緬生潮 幾 許月明禁不得滿江春水伴愁思 明月中天雲霧消酒醒涼思逐風飄星河不動秋空潤 ここうき 雨餘重過治城來嚴下松扉只半開燒屋清陰多翠竹 堪飘泊在天涯歸期只擬同攜手覔句應同 贈茅山道士 夜宿道院留題 之後恢 解 頤

滿庭春色有紅梅道心盡在琴三疊交誼何妨酒 遍覽沖虚益曠哉懸崖峭壁起樓 臺每逢嘉客嚴邊過 立自洪荒幾萬年天上有燈渾是幻人間無事便為仙 山號中華福地偏一峰晴聳五雲邊削成翠玉三千丈 明日尋君攜鶴至休嬿蹤跡破蒼苔 間來最愛東頭閣笑拂烟霞白畫眼 登中華山 題沖虚觀 杯

| 多定四母全書

た三日華 A 書 道人採藥迷歸路洞口雲生掃不開 疑有仙真天際來水底儘教龍穩卧松巔時遇鶴飛回 共喜族人同北阮清明有約莫相違 新 九朝靖節扶龍風十世聯魁到風池青史盛傳當日事 桃莫換古人詩正三日祀恭軍廟七百年來顯祖規 正月初三祭始祖濮州公族議欲更舊門符山 林城市尋常屋唐宋詩書第一家者子意不 可因賦一律呈諸父 文數集

金月口尼 白電 慈聞棄世已經年九十嚴親雪滿繭徒步一身解北闕 后土皇天應眷念蟻忱先已賦歸田 苦寒萬里到窮邊斗牛注目青霄入葵藿傾心白日懸 西行思親

寄内

去京華已十秋夢魂常在錦江頭堂前塵土勤勤掃

架上詩書好好收禾黍熟時煩出納園籬破處務培修

高堂當奉兒當訓辛苦終為遠大謀

憶告金星吞後塵驚花窈窕禁園春身隨紅日當霄漢 遙憐九十嚴親在黃髮蕭蕭憶遠人 炎巴马草人员 儒官莫恨文章 誤中正和平好侯時 老大悲傷九十稀夜月書聞歸夢遠秋風驛路為聲遲 筆遠青雲動鬼神秦地山河形勝舊楚天風雨客懷新 聞道西羌路坦夷三千里外一城職奔忙南北尋常事 建懷 和王駙馬 見贈元韻 文毅集

武陵溪遠桃千樹汴水春深柳萬條何似此君多節緊 金少世屋 偏宜清隱絕塵鶯翠禽啼處烟如織錦釋裁來雪未消 東山出慰蒼生望只在君家雅度中 心與先天太極同洞達八荒歸尺寸瀾翻萬卷入陶融 掘井為山積學功高軒新築日瞳雕量包元氣 鴻濛外 笑此生慚六逸相思為寄白雲謠 竹溪春晓圖為劉孟雅題 豁 白電 如軒

九巴可重 二十 髙母達菜最上峰希夷獨許往來同三生風月形骸外 半萬寒緑客呼舟芙蓉露白江波冷梧竹風高枕簟幽 空亭吃立俯長流占斷潭溪千古秋一派清商人倚檻 栩遠自滿平生願不管東牕曙色紅 車馬紅塵應不到此身何異在瀛洲 百歲乾坤寤寐中槐樹午涼秋袂薄梨花雲暖夜狀空 潬 題一夢老人卷 溪劉氏秋江亭 文毅集 土

金牙四月全書 七紅聲動為沒林光涵石几秋無際冷逼冰粒夜正 華陀今見孫枝好雅度渾如董奉賢 我憶戴達慚未識凝栗馬興借清音 月來軒外自相尋人在軒中鼓素琴半榻影斜天浸水 敵青山似朝川 隱當年遠市慶杏花深處轉幽偏一 琴月軒 杏林小隐為華山英先生賦 流水通橋春樂碓閒雲將雨潤芝田 村矮屋疑勾漏 深

晝長與客敵棋局忘却人間俗事緣 とこうし 手植青松不計年根株時石翠相連勿嫌落子驚幽夢 華容凋弊勞蘇息莫對雙松岸情巾 惟愛間雲伴醉眠半夜風聲寒作雨一林陽氣暖生烟 去日平分上苑春彭蠡望窮懷故國洞庭到處是通津 命趨朝出紫宸一官初投渥恩新來時共泛西江月 松石軒 從父原復新除華容賦一律奉贈 1.1 支托集 ţ

幾 多好四母全書 色漾玻璃夏亦寒留客何妨對棋局濯纓魚可把漁竿 島嶼無波列市塵鶴到詩 閩 剛 說劉郎似誦仙竹軒不減洞中天蛟龍嘘氣成樓閣 說華軒俯碧滿竹林適有晉衣冠光凝翡翠秋偏 回有意來相訪應與王献 居自爱三山好赢得烟霞滿目前 題 翠筠軒 劉即中歸隱竹軒圖 **理通遠信人看棋局惜流年** 例看 好

客义何堪節序催刻燭有情同賦詠頌椒無侣重徘徊 **曽約同斟守歲杯荒城日聽足音來地偏每取親鄰外** 前盟獨有寒梅在肯向庭前帶雪開 戲題鷄卵 除夕寄蕭時嶽

文色日桂 二十

文教集

十四

養成羽翼沖霄漢化作金烏運太陽

全在中央一點黃混沌未分先有象乾坤已判見低即

形體難分圓與方却將天地盡包藏欲知內外兩重

白

萬里飛來渡海西靈禽玉爪不沾泥搜身欲挟羣驚隊 多岁也是有量 愁來只怕西風起消盡鋒結恨轉多 流水無聲晝夜磨兩葉帶烟生殺氣五更彈雨和漁歌 三尺青青古太阿午風池畔湯晴波長橋有影蛟龍懼 展翅能追天馬蹄萬里縱横鎮地窄千層衝突覺天低 須更結鸞凰友應與雲鵬力量齊 菖蒲 海東青

九月江東白鴈飛京華遊子賦南歸湖天水落郵程速 送友人還鄉

秋風雙桂指前好定有天香拂綠衣 澤國霜清浦樹稀為念庭聞勤侍省豈知問里重光輝 送王指揮還京

文記の程をはち

文數集

五

青春入奏隨冠見一片丹心對紫薇

荣捧天書日下歸焦尾素琴重拂拭黃金鎖甲舊光輝

共在紅雲侍禁聞經年離別思依依愁衝毒霧湘南去

常年錫貢來京國尚想金盤進御時 為原分手思悠悠烏府情多不可留歸夢豈因為客父 恵我黄相玉露垂類暈中央金作栗蒂横高蘇翠為枝 金气口点 還家足慰何門愁都城花落春猶在遠岫雲寒雨半收 九月明江日尚運秋園果熟正離離故人尺素青雲下 逆旅相逢仍送别好傳消息到滄洲 子進惠柑 送劉御史弟子淵還西昌

一歸娶奏金鑾喜得天顏一笑看紅錦裁雲朝奠鴈 贈劉編修歸娶

紫簫吹月夜乘鸞靈椿堂上承中饋實鏡臺前結合歡

從此梅花消息好青綾不似玉堂寒 早辭天禄校書祭又賦三休遂逸情夜近玉堂看月色 趙金闕聽鐘聲紅塵軒益令無夢白日岩扉舊有盟 送友

歸

故園松前在門前五柳識先生

文已の同人子·

文就集

扁舟南去又乗潮賜榮足慰庭悼念承乏深慚禁藥朝 華山秋盡應偏好檢點芳林桂樹 章貢河邊送别時揮毫謾為寫新詩可憐萍梗多離合 金分四周全書 與君同出周姬 自信金蘭有贈貽衮職盡心慚計拙鄉關入夢慮歸遲 折斷雲無一寸不堪分袂鎮河橋 寄友 送中書舎人唐存恕歸省 姓同住江西路未遙萬里東歸德識面 卷五 枝

侍 大三日三 八十 寄語渭川千畝竹西風願早報平安 漢中父老識衣冠雲開太華三峰曉雨過黃河九曲寒 虬髯白皙繡衣郎縣馬南巡古越裳城郭新開秦郡縣 莫說炎荒冰雪少須令六月見飛霜 山 郎將命出金鑾中使傅宣左右数關內官曹迎使節 河原是漢金湯天連銅柱蠻烟黑地 送侍郎出使 送劉御史按交趾 文彩集 接珠崖海氣貨 さ

蓬萊宫闕五雲中風回畫省榕陰合雨過青林荔子紅 饒州崇樹緑初濃又佐閩藩鎮國東海甸帆橋千里外 還家先着錦衣祭九霄日月瞻龍家三月衛花出鳳城 東風耀第上瑶京金榜天門列姓名拜命已承丹詔重 莫謂內廷官位重古來方岳拜三公 自是送君鄉思切仁山字水遠含情 贈參政任勉之閩中 送弟朝夫及第還鄉 卷五

歸到故園者舊問聖恩留賞上林花 慇懃送子出京華文水城東是我家萬里一身依舊業 五年三載在天涯緘書欲寄青毛鳳衣錦仍乗白鼻駒 送姪禎期還家

大巴可良 三

文毅集

身間燕坐清如水始覺靈臺絕點塵

脱歲風流賀季真袍賜麒麟紅錦麗皓須鸞雀紫泥新

名在三孤第一人鳥紗白髮照青春平生詩格劉公幹

和姚少師廣孝見寄之作

早 殊方異俗同熙肆欲進謳歌合頌聲 榕樹交柯翠夾城村店日中雞唱午遊人陌上酒 就日門前春水生伏波巖下釣船輕灘江倒 百轉峰回霓徑通石溜滴餘成物象古潭深處映層穹 飯行春臨桂東野花榕葉色交紅七星嚴曲篝燈 歸為恐衣沾濕 水東邊度石橋村民淳樸見漁樵業祠歌吹迎神女 題臨桂七星巖 洞口雲生似 卷五 雨濛 影山如畫 攜罌

金月四月分書

青林遠墓田吳郎 社稷二喬同泣漢舜娟章河碧草迷宫沿指曹 日長衣繡觀民俗比户熙熙荷聖朝 たこの同人ます 巴丘古縣周郎廟從祀甘黃世寧共儼然三國已與吳 南蘋繁 祀帝堯附郭有山皆積石仙巖無路不通霄 謁周瑜廟 孫季良子泉觀將壇因賦二律 永樂與寅四月晦日船過周即祠下與其裔 宿松縣益世英雄瑜與亮東風赤壁 文毅集 臺操 皖 水

金分口匠台書 憶當年 **墠古苔斑祈靈幾度椒漿真遙望神靈未易攀** 都督峰高玉峽山都督峰周真君樓下水灣環周郎遺 牛渚何人學泛舟燕賞不須徒酩酊高歌聊復寄交遊 廟經千載三國聲名振百蠻緑暗丘園春樹合錦鋪 嫦娥肯盡來宵興再遣寒光照九州 天上平分一半秋千嚴萬壑月華流蟾宫有客自攀桂 中秋

天風吹我上南樓為報嫦娥得舊遊寶鏡瑩光開玉匣 伏枕夢回霄漢近珮聲猶在鳳凰樓 蒼梧城北繁龍洲水接南天日夜流冰井鱷池春草合 桂花沉影入金甌清涵宇宙三千界冷浸山河百二州 たしろしり う たいす 梧州舊治扶桑國虎圈山名記大潘蜑户舉罾看水影 火山蛟室夜光浮千家竹屋臨沙嘴萬解江船下石頭 醉倚畫樓吹鐵笛一聲驚破九天秋 蒼梧即事 文段集 Ŧ

一錢角迎風奏節同蠻女艷粧爭粉黛夷人村鼓聚兒童 聳日髙城跨北山峁屋竹牌依古瀬筒槽漁艇滿江灣 多好四周全書 驛亭笳鼓中宵發又報南天使節還 桂嶺東來下惡灘蒼梧細柳綵雲間 北望九疑雲盡處重華端拱太微垣 舟人移概認潮痕蘋婆果熟紅包拆荔子花開緑夢繁 趾名藩百雉雄萬駢塔在古城東弓刀選士軍容庸 交趾 即 事 **基**五 拍天二水通交廣

觸 幾度扁舟往復還野情只是愛家山衝寒凛冽道西徼 驅 已將霖雨洗交蠻陳情白日辭深殿解殺黃雲返故山 天書定許歸來早洞裏相尋亦解顏 可憐新息猶遺廟銅鼓荒涼草棘中 熱炎蒸出百蠻暫對鴈行傾別 馳萬里覲天顏夜夢紅雲玉笋班傳道雷霆收北 虜 交趾回送安成謝禮獻 倒疊前韻 之段集 酒又隨鵝序簉朝班 Ť.


|多定匹庫全書 太子泉頭曙色開仙桃花影覆層臺摩天嶺勢龍驤去 **北流縣下古銅州** 洞裏桃花煩致意葉心朱實待人還 交趾人從鳥道來審族金符猶什襲漢廷桐柱久傾頹 人傳蝴蝶滿羅浮楊妃井塌風烟古葛令祠荒草樹秋 憶故鄉山更好錦袍歸去棹扁舟 JŁ 過 流勾漏 思明府 平地山嚴聳玉樓誰為丹砂赴勾漏 洞

欠已日戶八十 葵草向陽余素志故園雖好敢淹留 問卓雲無野水流漫傳先聖昔曾遊豈知漢晉遺風遠 **北風吹冷薄寒裘萬里遙憐上國遊雪色迷人明兩岸** 江聲入夜到孤舟春歸忽聽雲霄鴈畫卧惟聞渚水鷗 祇有宋元文字留山勢北來開菡萏剧門南下北金牛 西風笳鼓連雲起共看山中雅騎回 遊閣阜山 早春舟發文江時將赴都門 文毅集 主

金为口屋有電 寒雪微消畫筋輕晚來適泊豫章城萬家燈火遙看影 野翁為說天書降曽有紅雲捧玉樓 天開東壁見文星八州事業空塵土三孔衣冠尚典型 卿 同 家難弟復難兄詩禮相傳歷過庭派接魯邦承教雨 遊賴有知心在市酒相傾到二更 夜笙歌自有聲佳節催人驚老大月華照客喜分明 元宵泊豫章 江西訪孔宅贈孔氏昆仲

次已口戶上書 一擎天獨柱勢尤尊魚龍並躍春初暖風雨來時畫易昏 孺子無亭但古丘西去帆橋皆北向南來江水白東流 地 消沉多少英雄客李蔡封侯廣不侯 沐浴精光令寂 寞願從洙泗受遺經 兩嚴相夾石為門萬水東流去若奔拔地一峰形自險 入洪都景物稠界分吳楚重干掫滕王有閣空芳草 小孤山 豫章懷古 文毅集 Ī

幾度青山訪誦仙思君風格在高天自為采石江頭客 金少口屋 想見當年禹疏鑿神功萬古至今存 院花又有高風在應與先生萬古傳 丹砂不為向炎方竹林客散應多暇菊徑花繁尚未荒 幾回容裏度重陽五嶺兹辰望故鄉薏以肯將歸上國 無後長安市上眠問罪夜郎悲枉屈吟詩宫禁憶便娟 重陽 吊李太白



聖人有六經天地有日月日月萬古存六經終不滅 小兒何所夢夜夢筆生花花根在何處丹府是吾家 (道日在天我道日在心不省雞鳴時冷然鐘磬音 兒何所愛愛此芝蘭室更欲附飛龍上天看紅日 道德日員於初心益見韓子之言為信 傳頌不忍棄置因識於此聰明不及於前時 復記憶此由從祖淵静先生戲命賦成詩頗 如菡萏者當五六歲有作未能書往往不 卷五 文色日目 八三 青雲坊下路萬里此分襟俟有傳書雁相期弋上林 聖主開東閣羣賢已滿朝早縣孤鳳尾側目望雲霄 彩鳳有遺雛惶惶泣載途神龍親哺育躍馬贊皇圖 虎為百獸尊誰敢 觸其怒惟有父子情一步! 簡胡學士光大 贈西平侯沐英 奉敕題虎顧彪圖 時仁廟未正位東宫讒言別與因作此諷諫 文毅集 둪 回顧

金分四四全書 春盡故鄉來秋深別我歸宦情同紙薄只是念庭聞 僕 倦飛甘白首竹實正穰穣不敢先當食留之待鳳凰 作吏謀全拙從軍事亦非鄉心秋塞 應盡日向南飛 也輕環偉丹青賴爾傳皇風清薊北有待畫凌烟 送歐陽永清訓導之官部州 贈寫真劉士崇無送還鄉 題 謪 西河 白頭豹圖 卷五

钦定四軍全書 萬覺遠遠夢頻聞恰恰啼只疑窓紙外却在柳陰西 清沂河上路芳草東西渡時有讀書聲雲山自朝蔡 獻策黃金闕之官嶺外州送君離恨少江水共悠悠 寄語君嚴父烏江錦似花故園如此好安得不歸家 聞篇 題崇雀圖 李仲侃客蜀忘歸作此東其子 題清沂書隱 文教集 主

破衲自風沙無天壓雪花草間孤兔盡歸去帝王家 秋實正離離低徊若有思朝陽鳴鳳起還向上林枝 昔與應同歸今來雁止飛殷勤吩咐廳來往莫相違 木末有芙蓉宛在水中让若向春風開無人看桃李 芙蓉 竹 鴈 題 胡馬圖 卷五

Traps	 	17		**************************************	an armen	THE CONTRACT
次已日本 江北						春雨蛟龍變不妨苔解侵蒼蒼孤直者空洞本無心
in the						蛟
417						龍
5						又不
3						姑
						苔粒
文數集						侵
集						為北
						倉孤
į						直
						在空
긒						洞
1441						平無
					ļ !	び
					:	

文毅集卷五				<i>i.i.</i>	はつじ 人 ノーマー
					卷五
	-				

次定习事心時 漫漫春風入舜韶緑楊舒葉亂鶯調君王不肯娛聲色 御 欽定四庫全書 雨露無私亦共知 文毅集卷六 柳青青近緑池迎春濯秀不違時皇恩天地同生育 七言絶 河邊緑柳 文教集 明 解縉 撰

猶有大官黃紙封 来與又過御橋西 赤欄紅映夕陽齊蹀躞天騏度不斯侍講報來應鎖甲 椰子南來百粵中黃縣純東赤筠籠恩頒內閣分攜去 常見官官報酉時 聖主恭勤日萬幾每因朝退問前疑揮毫親寫蠅頭字 何 白ガロ 用辛勤學舞腰 Ŀ 退朝即事 1 June たこうし 年 直上青天聽凱歌 幾回清夢到天家 便令分賜及儒臣 北京官酒胡於蜜高品傳宣侑膳珍里主御筵猶未飲 大將平胡兀亮阿旌旗雲擁照山河明朝借我雙雄鳳 年祭近六龍車共拂紅雲被日華 寄胡郭二尉馬并東王左軍 白雞冠花 ).L. 文般集 自山中杜門後

樂裹詩籤任往還 見說文園多病後又攜書冊卧鄉山新秋詔許歸來早 起來先看舊衣裳 至今猶帶滿頭霜 雞冠渾是臙脂染今日如何淺淡粧只為五更貪報曉 扁舟日泛水雲鄉夜雨秋風宿豫章預恐寒驚慈母線 東劉日昇 夜雨泊江西

金分四库全書

欽定四庫全書 > 帝城天近甕城髙枝宇嵌岩結構牢試向超然樓上望 莫嘆風波行路難舟船指日是長干東山不為功名出 大江東去漲銀濤 天下蒼生望謝安 千里外客河湟鳥鼠山頭望故鄉欲問别來多少恨 西行 登鎮江報恩寺超然樓 安慶江上守風 L.交射

堂上白頭親九十西行萬里赴輪臺人間此是生離別 3 黄 夢裏心驚長樂鐘幾回題侍語從容十年去國傷心淚 何日金雞遇赦回 洒向天河載六龍 身去國片雲輕白学衣單萬里程九十嚴親離别苦 陽揮淚倚門情 河東去與天長 貶 河州述懷

改定四軍全島 雕 此去無勞更北飛 聖主恩深寬逐客西行不遣過輪臺河州指在人家內 真個河州天盡頭 萬里羇孤祇憶歸將心日日到庭聞封書寄與南回 百二山河去却回 樹晴雲萬里秋思親獨上鎮邊棲幾年不見南來雁 西 登鎮邊樓 行途中即事 文就集 19 鴈

去年我為慈親哭此夜嚴親為我愁萬里悲歡那可測 時俗江南重小年河湟此夜重凄然抱食真作還家夢 白雲親舍赴江頭安得天河着地流惟有月明相識舊 夕陽揮淚更登樓 想見嚴親尚未眠 夜來相伴倚門愁 四年寒食困羈囚山谷先坐無奈愁想見故園諸弟在 交年節日有感

一欽定四車全書 朝回緩步千門西烟柳和風滿御隄塞北陣寒飛鳥絕 誰寫新桃換舊符 家住江南似鑑湖料他春色到平無不知此日祭軍廟 為聲只戀上林啼 何人燈下説河州 聞鸞有感 送董倫南還次其留别元韻二首 已卯元日有感 文毅集

崆峒山隔 萬重雲 莫將琴劍老京華到處溪山即是家惟有薰風能解愠 不辭相件到天涯 又到金陵楚水涯 九十嚴親兩鬢華孤身萬里倍思家高飛却羨南回 十年天遠神京路祭辱升沉兩不開此去雙江總咫尺 寄徐遜 客中元夕 卷六 雁

大足四車在 去年今日宴傳相兩袖天香御酒酣今夜客中風又雨 君家伯仲情如海一望南雲思一回好護庭前雙桂子 緑到淮楊第幾橋 多病文園渴未消自從人日到花朝不知楊柳將春色 初平去後幾花開 可無歸夢到江南 寄子享參謀 寄何岳 文程集

散作侯官常禄花 紫淦提封十萬家市南多見使君車憑將舊日陽春曲 何用攀龍上碧天 事髙皇僅十年每因聖節賜歸船丁寧天語看嚴父 十閒居似列仙 遜山林紫淦邊彈琴耽酒過年年信知伴鶴遊諸洞 過新淦寄胡能定 水樂已母恭遇太祖聖節感舊

瞻望宸遊又十年三年官轍到窮邊天迴地轉星河近 錦袍新逐早春回 扁舟新自海門來兄弟承恩入上台金匱琅函多寫遍 莫言投筆可封侯 · 大三四車と 我家詩禮舊箕表當代承恩孰與傳三入翰林真恭竊 夜夢陞朝奉御筵 芙蓉山下有唐阡算到於今八百年歸去殷勤看松 送淳夫弟南郧 文毅集 柏

自父にんといれ 獻王聲譽漢東平 白雲常望五雲邊 畫船載酒過楓橋送到東風雪未消此日相逢又相 藍橋西去路迢迢 之官遠向錦官城不用金牛役五丁库序賢才古鄉魯 送張教授子奏之成都 送沈誠莊還鼻蘭魚東徐叔拱 送劉日昇 卷六 别

次定四華企島 江鄉 臘前有客看梅花 同尋流水聽疎鍾 相對彈琴到曉鐘 十九年中別更逢逢君又別意重重煎茶掃地同明月 灞橋輕雨落塵沙送子南行訪漢槎為寄音書大庾嶺 别異鄉逢十九年中意萬重沽酒滿船除月色 贈蕭世英 再次前韻 文毅集

從容語笑見天真交誼平生有幾人明日分襟江上去 為送高人上玉京 鄉 梅雨初收欲曉晴白沙官路馬蹄輕大安橋上簪纓集 多情怕見柳條新 度相思一檢看 里相逢簇繡鞍客中重見别離難新詩為寫齊納弱 ロノハ 峽江送髙峻 贈蕭宗魚以留別

欽定四軍全書 我已西行及早回南山松柏好栽培平生忠孝兼兄弟 絕勝汪倫送故人 常有音書日下來 離恨長江有許長 新篁如戟草如茵錦江風細波鄰鄰思歌三豐陽關曲 二十年前同虎榜八千里外客殊鄉匆匆又說明朝别 寄朝夫文夫朋至三弟 留别周买 戸 文彩集

清聲唯恐引蛟龍 節義廬陵古所誇宋朝冠益盛中華張君舊住禾川上 晴日笙歌夾路還 東華觀古陰喬松先月樓高倚碧峰莫向山頭吹鐵笛 里巷傳呼御帶家 繞縣清江月一灣君家别墅在屏山當時故老猶能說 送劉子齡 寄張叔豫劉孟恂三君子 次ピの草山 經年兩度還鄉里九載相逢話風心曾見誅茅新築室 金盂分水受降龍 **禾川嶺上最髙峰飛錫時敲碧落鐘簷蔔花香月明裏** 祇宜霜雪共清寒 髙駢廟下青松樹每到源頭駐馬看紅霧白雲多散盡 前嘉樹總成陰 寄鄧維翰 寄非空上人 文毅 集

微凉正好課書篇熟讀千回見昔賢七略五車多閱遍 每 武功山下月輪秋 子グロガイ 粒粒凉心滴露華 此心方解欲無言 來時蕭峽駐輕舟惆悵初年作遠遊夢裏相思不相見 到秋時只憶家鑑湖秋水浸明霞湖中蓮子秋成實 寄黄元麝 寄孟鏈

洗得西風萬斛塵 歌定四庫全書 人 詩隱東湖看白雲青蓮翠竹自為羣一從亡友哀歌斷 零落歸來萬里身聖皇深眷語諄諄偷生抱病文陽水 蹲酒何人與論文 相别春雲館柳條相思千里路遙遙丘陽養就沖天翼 遅 爾乗風上碧霄 寄東湖詩隱仲山江丈 寄康中报 文教集

待我懸車返故山 相從吹笛月明問鷺江螺浦尋漁件 何必桃源别有天 不雲陽地勢連君家習隱在南田條桑種杏間清畫 百尺蒼崖吼石麟兵書峽在楚江濱人心只是推諸葛 便勝神仙共往還 石無神自有神 留别劉南洲 兵書峽 卷六 設己四車 CE !! 畫船撾鼓到全城 昔年龍右思嚴父此日湘南憶稱兒父子思深總情 采蓮采得並頭花 陶生岩畔午風清唐介墳前江水平两岸鷓鴣啼不盡 全城三面臨湘水撰地問問著姓家侍女畫船爭渡處 可堪回首望天涯 全州雜與 湖南憶子 文號集 切

國朝太守張君復種得青松夾路長夏日行人多縣馬 孔顏名理訓生徒 清湘書院何年起共説湘州柳仲塗想見皐比弦誦處 角が旧る人 全州萬樹比甘常 兩度吹船上玉京 百丈山頭雨乍晴靈川江上水初生薰風隔歲如相約 靈川發舟 桂林午日感售

荔枝子結蟲軍緑倒黏花開女臉紅望見石城三合驛 唯有空岩餘舊名 便分歧路廣西東 回首薰風又一年 去歲端陽奉御筵金盤角黍下送天黄封特賜開家宴 金雞驛前津吏迎金雞岩下江水聲金雞飛上九天去 過三合驛 上北劉 文段集

金分四月全書 滿 龍州百尺石為城萬戶層樓暮霭橫舉網得魚沽美酒 石龍江上水雲腥巨浸東南合四深神電衛城何處是 半邊山色一痕青 處處人間上塚歸 三月藤江聽子規桐花細雨濕征衣遙知鄉里逢寒食 船明月棹歌聲 龍州 化州 卷六

波羅蜜樹滿城闛銅鼓聲喧夜賽神黃帽葛衣墟市客 欲將封事赞皇圖 青裙錦帶治游人 交州出到龍州路瘴雨荒烟泣鷓鴣始信王關長閉好 横槊青天白晝閒 上將颠庸動百蠻偏裨威略重如山市橋 フラー しょよう 市 過交趾市橋 橋會郭千户作 文毅集 **排當千里** <u>†</u>

繞 多定四周全書 沙磧茫茫塞草肥桔槹峰上暮烟飛交河北去天連海 猶是軒轅帝子家 香羅着體疊雪輕賜出形庭憶聖君午夜被垣清夢裏 蘇武曽將漢節歸 漏聲猶似日邊聞 澗木犀冬着花上方臺殿順烟霞雲迷石室和光洞 交趾 和友人 清遠峽山寺

钦定四事全書 又 黄金市鎮水灣環屋瓦高低竹樹問西北有峰如翠黛 少年見說張横浦自訪南安舊謫居趺迹宛然存石礎 六出飛花玉滿汀碧波江上晚揚般羊裹不怕江風冷 至今重到已成墟 但看天邊兆客星 舟人説是酒壜山 重過南安 過十八難 文教集

碧落嬉游大醉中偶來鎖外寄行蹤玉堂金馬頻頻夢 黄菊青鳟處處逢 處士年年種菊枝幾回霜雪滿東籬春風天上移根種 正是行人在半逢 又見新承雨露時 十年前處士家淋漓宫錦醉黃花即今童稚皆成長 浪灘灘跳雪珠青山片片翠紫紅杜鵑啼得花如血 交趾還途中贈士譙

蘆荻燒殘孟徳舟洞簫吹徹子瞻愁昨從亦壁磯頭過 留客焚香細煮茶 次ピリ軍人島 忽報荆山有墮弓生民揮淚濕秋風孤臣淚盡丹心在 水冷魚驚月一鉤 似扶桑曉日紅 赤壁 九日南還紀程 九華山 文教集 大

此日經過始解醒 曾上松湖看赤城仙人道士遠相迎一樽元酒十年醉 角グロスと言 棲運顧影自堪憐肯逐羣飛噪野田海色瞳雕朝雨歇 又隨紅日上青天 肯斯鄱陽-夕風 **盧阜横江氣勢雄飛流銀漢與天通八千里外南歸客** 題孤鴉圖 竹

朝陽還有鳳來時 欠三日重 八子 霜影沉沉起暮寒秋雲荷葉發闌干形骸已在希夷外 帛書自到帝王家 閒隨明月宿蘆花搖落江南未怨嗟萬里不辭天路遠 河湟雪壓松千尺不似江南竹 不怕王孫金彈丸 題蘆雁圖 題青山白雲圖送廷琛 文穀集 枝龍卧肯隨風浪起 ナセ

金分四月全書 明春還發上林枝 還有清風及四夷 記得天門領賜時量飛鳳羽下龍婦只今流落江南去 行藏用舍皆由命舒卷炎涼動合宜莫向秋風怨搖落 任他流水去人間 宦游誰不爱青山世上浮名好似問綰住白雲巗際宿 題石田茅屋圖 南行題扇

想見形庭賜對時 汴水東流宋社移中即名字日星垂精神翰墨猶生氣 春風庭砌長蘭若堂上慈親冠鳳翹絲服尊前映朝 回鑾紫點下青霄 五更風雨道塗時 戲絲堂 題祭君誤真蹟 日

石田茅屋歸來計長日呼龍種玉芝高卧熟眠應不忘


火巴口戶公時

文毅集

米家應自笑疎在 端明書法繼鍾王佩玉瓊琚在廟堂見說當年推第 金分口屋石量 共倚琅玕聽鳳鳴 能畫故人今不見空餘翰墨寄高情何時歸到螺江上 最宜炎暑最宜寒 美人手持白統扇畫出亭亭竹數竿為愛此君心事好 為王衡題畫竹 題蔡學淵墨竹

雪壓質篙翠葉低文禽聲寂不聞啼上林春好無情到 翠竹寒消雪未收雙棲夢醒更何求君王六合皆靈囿 荆棘叢平只共棲 飲啄飛翔得自由 肉食曾無厭飲時 疏 好香可療機莫云長是在茅茨調養寶鼎揮金椀 次足り華人 題雪竹雙禽圖 菜 文毅集 九九

白ンロルハア 看碑揮淚痛慈闡 吾伊聲斷熊丸膽燈火烟消墨篆惟不但古人有賢母 神仙都只在人間 去年曾到爛柯山看着殘棋不肯還自是太平舒化日 羣芳搖落盡凋殘唯有孤松耐歲寒為道滄洲深雪裏 題賢母卷 題觀爽圖 題歲寒圖



多为四屋台書 待等先生跨鹿來 大秀千峯菡萏閒玉梁髙接九仙臺預從山頂結茅屋 幾向園林傲雪華 散作人間富貴秋 桂樹團團翠欲流靈根原自月中求東風吹動黃金栗 瀟灑寒梅吐玉葩暗香浮動老仙家應知鼎鼐調羹味 梅 和山陰宋太史韻

之己り見 二言 令子能書逼右軍新詩妙墨總超羣明朝又向江頭別 遥望文星隔五雲 野曠青天不敢啼 且在人間正不平 凛凛東風日未西珊瑚枝上暫幽棲千山萬怪藏蹤跡 斧不成两斧成暫於低處立功名雖然未得居台輔 墨鷹 戲題卓撒 文段集 Ī

常將殿展作屏風 金月正左子書 黑鷹度海下林巒怒目雄驚膽氣寒良史筆端參造化 為留英氣畫中看 少年天子重邊功親到凌烟畫閣中動賜軟臣繪圖本 還有嚴裝下賴船 樓觀青紅鎖翠烟樹寒濃郁障空天此中誰是孤休客 題畫 退朝即事

雲駁花聽各試行一般毛色一般纓殿前來往重騎過 官人手裏過茶湯 延英影對碧衣郎端硯纖毫各别床天子垂簾親考

欲得君王别赐名

都門卿相盡彈冠騰有文章送縣官他日報車采循吏 東某明府

蒲鞭應尚笑劉寬


とこり見いま 趙廣文來唇寄詩開緘雲采動連将字江不用裁索樹 文毅集

Ī

金月口尼台雪 萬柳千花拂酒旗南陵北苑草離離居庸關下泉嗚咽 應有林連待子歸 故人散盡獨君存風雨相逢海上村尊酒飲闌情不盡 社燕秋鴻各自飛我來君去若相違西湖西畔梅如雪 更留餘燭照黃昏 丹桂林中寄一枝 贈澹泉羅桑倫 送鎦若齋 嶅 ナ

昨日金門進講書君辭丹展下階除遙知絲服趨庭日 |飲定四車全書 | 0 吸 醒恨我五更鐘 共醉青湖玉带春 祖帳為歌易水濱風波萍梗舊雷陳明年定有歸來日 黄金徑擬飱秋荊紫翠樓將倚晚松聽徹雨聲旋入夢 又是東風欲去時 異神仙上碧虚 寄友 文報集 主

被寫鄉書寄故園行人已遠意空存舉頭忽見南來雁 細談太祖渡江年 古塘姑熟小江邊一路芭蕉綠更好破衲老僧餘九十 個個隨君度塞門 日日南風送客舟舒州纔遇又池州九華雲捲芙蓉帳 過池州 寄于仲寬 遊采石古塘寺 卷六 次已日華台書 彭 數遣風濤着意留 掛在青天白玉鈎 連日桐城阻去舟長江無奈拍天浮川靈解識朝天客 龍眠山色趁新晴 半帆初日皖州城千古英雄此用兵金闕劍光騰紫霧 ,湖水合大江東孤柱中流勢獨雄千古在瀾資汝障 小孤山 安慶道中 文鞋集 志



慧禄寺前江水流 姜姜芳草满汀洲十年不到臨江 早春游望過歐潭青竹紅桃水似藍釣艇畫船山色裏 依舊青松接畫樓 此是平生得意時 令人只是戀江南 ランコンラーー 為憶螺陂字水西兄為和墨我題詩看山縱酒攜賓客 新淦縣 憂患中哭滄江兄 文覧焦 Ē 郡

共泛西昌月下舟家貧為有稻梁謀却云但得長如此 不願人間萬户侯 弟兄同年復同道對床風雨每相期那知但隔離東水 生離死别太匆匆兄騎西行我棹東回首白沙江上路 少小同遊白下門五人今有一人存江山花柳年年發 夕陽黄葉怨秋風 不見生離死别時 柳看花欲斷魂

| 到定匹庫全書

卷六

りこうる かかう 此情只有兩心知 沉沉春夜細論文 盡醉相隨步月還 共看芙蓉天馬山遙憐世上幾人間田家有酒邀皆去 到家幾日南荒去文水江頭送别時惆悵吞聲淚垂血 沖虚觀裏看江漲又上中華禮白雲還赴故人雞黍約 鳳洲頭倒玉壺銅塘浦口送飛艫他時記得分構處 送友人還山陰 文段集 丟

鄉 青春白簡繡衣郎六月寒飛滿面霜文水東流有餘恨 多好四周全書 花雨春深聽鷓鴣 此生不復見張綱 故舊三喪不棄捐柴君高望世人傳當時淚滴墳前 鳳卿丹詔下天來聖主臨軒策俊才二十三年悲短命 人空望繡衣回 **輓鳳岐父尹平御史** 讀柴望小傅 卷六

彭城風雨夜連床說盡眉山感雁行亦記建文初二 他日参天仰面難 丹青曽畫解中郎 應作黃金衛九泉 とこりも 小青松末出欄枝枝葉葉耐嚴寒如今正好低頭看 咏小松 題仲兄小像 夜泊茶陵 L. Lin 文段集 Ē

金好四周全書 宫中聖主是唐堯 白雲松下日逍遙時掬清泉意更饒借問先生行此樂 山達荒村水遠城弱蓬藤簟水灘聲秋風淅瀝秋江上 風景蕭條鳳不鳴雙棲田野更關情為誰愁得頭先白 人自思鄉月自明 段愁心畫不成 白頭鳥 題許由棄歌圖

とこうし 哭斷斜陽過大梁 金屋曉寒龍硯濕玉階春暖熟泥融如何一 記得全文直萬金 孔壁遺經義可尋都因傳註感人心從頭且莫生枝節 邱魂驚月在床昨宵夢裏見黃香發城衰柳空殘雪 哭季岳黄金華 憂患中寄友 寄倪以孚 文段集 夜思鄉

春風常護萬年青 只在文山字水東 多好四庫全書 手扶日月歸真主淚灑乾坤望披庭身死願為陵下草 又毅集卷六

につうしてい 充充乎文哉詩書六藝之文禮樂法度之文與凡立言 垂訓之文堪以載 道者皆可謂之經天緯地之文也所 欽定四庫全書 維持人心扶植世教事事物物各有條理非尚為是 文毅集卷七 序 廖自勤文集序 文段焦 明 解縉 撰

避世其出也荒唐而已申韓之學入於刑名其出也慘 求者非惟不足經天緯地而且有害馬莊周之學入於 定禮樂贊周易修春秋以為學文者所歸往舎是而他 辭為經尚懼夫天下後世學者不知所從人也删詩書 昔者仲尼於詩書六藝禮樂法度立言垂訓皆由下學 上達以入於文王周公之道以至乎堯舜集其大成吐 以入國所由入者正大深遠而不可測則其出也無窮 無用之具而已故皆自聖人發之後世學馬營諸由道

多定四母全書

卷:

下之害可勝言哉莊周簧鼓老氏之説因以起虚無之 之不多其出有限而應無窮則又假雜價以數人耳目 商人身歷遠方珍怪之所象犀珠貝之物知之不容得 他所入者可量則其出也有限駁而無以議為也譬諸 竟豈非人心世教之害至於今尤烈數若夫學聖人之 教而買誼亦學申韓之文觀其鵬城已深有釋氏之微 文者沛然而莫能禦粹然而入於正鄒孟氏而已耳其 刻而已蘇張之學入於利害其出也縱橫而已其為天

季昆與子連世為道誼之交講性理之學子與自勤少 之所甚憂也吾友廖君自勤西祖及其尊君其叔父其 生目之是將為天地人心世教之害有不勝言者此子 此古文也論及性理則以時文鄙之援及詩書則以經 書剽竊竒漏縱橫腐敗神鬼荒忽極其鐫巧形容以為 非其文之善為雜也由其學之淺少無以應人之求也 之所習耳之所聞惟六經聖人之訓雖傳註訓詁長而 近世為文者尤甚患此反從事史漢戰國百家方外之

| 釞 定 匹 庫 全書

荒唐慘刻縱横駁雜之說不惟有所擇而取亦無所聞 後能誦之也是以出諸其口而筆之於書為文辭所謂 得於鄒孟氏為多養氣以直故充塞兩間而奔放渾瀾 嚴目不親非聖之書其先祖常舉為訓是以自勤之文 原固出於六經於予心溉乎其有合也自勤之家法尤 而不能馬予厥後稍喜觀歐曾之文得其優游峻潔其 巧絕無怪奇隱僻之說即其事之體而措之用語其理 知言有要故明辨切實而引喻曲當不矜談天雕龍之

欠三日屋 ニョラ

文疑侠

之辭也間當得其近稿觀之多所改定蓋微近於荒唐 之常而盡其變未當或昧於仁義道德外經史而别為 理益辨而詞益識學益進而心益下聽之而不厭誦之 **輒改之微近於慘刻縱橫駁雜輒改之所謂沛乎其不** 淳龐駁雜過其目如辨黑白昭乎其不可感也與之言 其學之所至心之所得有不可測者為何如哉若文之 而不能已於予心益溉乎其有合而所憂者不必憂也 可禦粹然而出於正者其幾矣且其於文不憚改如此

金月四屋全書

其將息邪說正人心樹世教以進乎經天緯地之文也 永樂庚寅春子自交廣入朝道經虎頭城下雲南魚憲 予何足以知之 周愈憲彦奇文集序

賓客皆傳觀之共歎君之仕日顯而文與之俱進也蓋

示予詰朝别去自賴至吉五百餘里晝夜觀之幾忘寝

周君彦奇奉表行在驛舟夜呼相見歡甚出其文一編

食鄉山在望不暇應接忽馬泊舟文江至家而尚在手

服給者而君乃從容於文章若是其富也非不恃其敏 敷舊宿將相與共事較之他方面實為難能人有日不 君生名家自少類敏為學官宣城宣城名郡君不以為 爭百辟皆靡遂超擢令官當方面之寄而奠夷夏之交 除國博不拜擢刑科給事中日與左右司豪辨昌言力 而益勤學能如是乎及今又得其全而觀之益其所經 人師自侈也來試禁中問五經百史時務如古所謂宏 揮萬言百解更端辭義俱偉廷中莫不嘆服尋

|釞定匹庫全書

つろう ラー ンニー 事有春秋其答問言行有論語是豈有待於外哉周君 昔孔子惟南至楚西至河予與君之所歷者皆聖人之 之也既予平生所履與君有小異者當登華嶽窮河源 歷山川之雄偉又有以豁其氣識暢其志趣而則以發 以為然乎 所未當親也而聖人之文存者可見議論有易大傳叙 而觀於周秦漢唐宋之所經營亦頗有以豁其氣馬然 不若君之所歷者遠且大也君之示予蓋甚幸馬雖然 文段集

歌春思英發神文勃與雷轟電逐項刻間御製沛然數 一多定四库 全書 炳娘之作凡遇咿暗鄙陋以為衰世之製不足觀故天 千百言一息無滞臣縉朝草書連幅筆不及成點畫即 思而刻苦以為最得意之作百餘篇高皇一覽不竟日 速上進稍定句韻問或不易一字上惟喜誦古人鏗鍧 臣縉少侍高皇帝蚤暮載筆墨褚以侍聖情尤喜為詩 下之士為詩鮮有能得上意者有詩僧宗泐當進所精 顧太常謹中詩集序 表 七

讀之見其有高一世之懷而謂人莫已知洞萬古之志 蓋先皇所當置諸左右深有得於聖情者臣縉亟取而 侍內廷獲親先皇所御書籍見其題曰顧録詩集二編 とこり ラートー 泐者之不足以當聖意聖凡度量相越固如是耶近奉 所可趨而進也謂億千百年為須臾而日月可撫弄星 展可擠擲也謂風雲可虚吸雷電可奔走造化鬼神 謂聖賢可及謂麒麟鳳凰可則狎而九天可安行帝 文段集

盡和其韻雄深潤偉下視泐韻大明之於爝火也蓋如

叱咤而使令也其 所以自持者蓋將與金石常存而為 為蜀王府教授重以啓沃親藩之任予素相知而未 為愚也此皆不足以知之惟高皇帝知之臣縉知之於 下之知者以為雲行水流與物無競而不知者以為 才名數為人所排毀萬皇帝憐而保全之今上嗣位 **今而後世復有知之而將嘆其不可及矣謹中松江人** 三不朽之一也此所以上合高皇帝喜其詩不置而天 初以太學生典太常簿萬皇帝郊祀有執事之祭後以 定四庫全書 擢 狂

識也時年五十餘矣一見如平生歡傾情治且以其詩 余友康君以寧吉之永新人也洪武甲子舉進士為太 集示予因序其意如右云 喜離合與夫玩物適情之作以較其令昔學問所進與 友朋往來成時事物之代謝取以備閒居之覽而非有 府推官謫居横浦二十餘年每歲集其迎送序述悲 刻削求工以夸多而關靡狗外而為人也前序為范 西遊集後序

友色可臣 ハニラ 一一

文羰集

皆遊廬陵而五七言復盛唐初杜審言為吉州司户始 多往來荒祠古冢鏡文猶存至晉許遊郭璞殷仲文輩 特未知吾廬陵詩學之源流也益自周末有避秦者九 大興詩學而盧陵之律詩无盛此吉州詩人堂之作由 人隱於玉笥多為四言詩刻之石間郡人往往效之而 廬陵四言詩始盛漢封安成王長沙王而淮南王賓客 君仲綸作稱盧陵文章自歐陽後世有傳續其論當矣 是肇也南唐劉洞夏竇松擅名家宋盛時彭應求稱南

金万口居石言

悉數矣康君年未老所作當益富他日歸鄉相與拜詩 **養虞公所謂得范公之骨者而廬陵之歌行太盛不可** 范德機受學於楊學購而學睡之子又從師德機即 其有以惠教我乎 人堂而重論馬屈伸樂辱進退萬變而性情之樂易如 國詩人江西詩派葛敏修擅其雄諸體脩矣至元初而 とっこり ラードト 日雷電風雨晦冥萬状而日月之光華常新也康君 王孟楊太史虚舟集序 之及其

一多 定四母全書 瑣者不啻卧之地下以是名雖日彰誇亦隨之余每提 期在息機與物無競故其集以虚舟名亦可見其志馬 薦以自代不果且孟揚視功名泊如每有抗浮雲之志 儒臣及四方章布士集闕下者數千人求其博洽幽明 永樂初動修金匮石室之書繼是復有大典之命內外 余第其人品當在蘇長公之列文之奇偉瀾瀚亦相類 洞貫古今學博而思深如吾太史三山王君孟揚者不 二見孟揚之為人也眼空四海壁立千仮視餘子瑣

翰林越三年不欲示其長於人然一遇知已與論古今 電而場此余之論孟揚者如是他人未必知也孟揚在 至於詩則追逐漢唐眉山見之未必不擊節嘆賞思避 言遂敬書以復之 懸 河真若超千古而立於獨者孟揚固不欲專以文名 成敗人物賢否政事得失治道升降則目如曙光辨如 於孟楊哉予其有員於孟楊哉握手都門出其集徵余 也越石父有言士絀於不知已而伸於知已余其有負

多定四年全書 告於前而豐於後理固然數予遍讀近代與當時作者 盛唐詩人江右不多見其下如鄭谷盧綸輩不足上擬 髙岑何作者之寂寥也至元之盛而范揭二君子卓然 君仲聚黃君也子當欲與二君作詩集序因循不果者 起於千載之後雄視一世作者繼起至今復大盛豈非 之詩於鄉里冀其復可雄視一世者得兩人馬鳳儀李 二十年今南歸偶得與黃君相見扁舟遡文江一日盡 黄仲聚同聲集序

覽殆陶彭澤 初年之所未能及也又豈若盛唐諸君子 先得予心之所同然嫩此猶未足以知君深造之妙也 之所欲出新意稍自凌厲者君輒能脱穎而出吁何其 山水之華室居之麗者舊之逢迎應接不暇何其快也 得其所謂同聲集讀之終日而不厭如遠行客過故鄉 工於為藝而後至於斯數他日子亦将乞身於朝歸而 君壯遊湖海學窮高厚而遁跡山林不涉塵累超然遠 何其快也子之所欲追蹤古人者君輒能高步優入予

たこりる これ

文毅集

蕭侍御楊忠襄文節之里至本朝之初有十老者道存 與君謳歌擊壞取三百篇而和之使范揭二君子亦有 庄溪十老相與月為一會會必飲飲必賦詩循環然亦 思忠思文道濟廷璋彦璋彦敬劉氏子通合而命之曰 全集予亦樂為之序馬 光馬是又區區之志也鳳儀詩嚮讀而題之他日倘示 先生為之倡和而隨之者蕭之良曰與善樂善楊氏則 古文水西十老宴集詩序

多好四月分書

者田農草坐未足與此樂也熟無宴者膻圍妓狎未足 時有嘉客若歐陽師尹孫廷望廷璧家季父元禄雞魚, 蔬笋取具隨時而文字之歡樂近所未有也且熟無老 與此樂也孰無詩者孤嬰寂詠未足與此樂也陶淵明 盈帙者乎予平生亦當叙論天下而是編也僅於吾吉 文皆壽連會而連歲也哉蘭亭數篇猶或以傳而況此 聚一堂偶為一會猶足為後來者之美談而況皆賢皆 而得十人者其必不為虎溪之遊也矣若此十人者偶

とこう こん

文段集

一金分四周分言 見之且十老今皆有後賢能文令子仲素輩求子序則 皆恥為文藻浮華其於世教非小補也夫其學為東人 亥主考江西鄉試得臨川陸先生昂夫薦之而知其為 所慕而興起尚如此而況於其子孫乎家君以洪武辛 十老者又前顯後賢也難矣哉仲素諸賢勉之老而繼 江西道學之士自陸夫子務以力行為先故今之學者 馬子時謝事又將繼予季父為嘉客也 柏臺思親詩序

望千里又安能無所思乎此柏臺思親之詩諸君子所 其處也不能無思也今廣平之出而仕也祖孫之情 母之存也衛輝公見廣平之成立亦若沂州之存也是 公以過八望九之年致引壽考所以教育廣平如其父 りしこりき しいう 以為廣平作也廣平之思親也出亦思處亦思其思好 公為嫡孫沂州公為家子三世繼承仕而益顯是衛輝 舉守沂州既沒而廣平以太學生為監察御史於衛輝 文安世家也歷官華陽衛輝歸老而令子以賢人君子 七見書 相

非尋常之可比思告所州之情豈料其先父而隕仿儷 多分四周全書 亡也又豈料其享有多壽而及見廣平之成立至於今 俱逝遺孤孑然以界其父而父乃能仰其子以仕題此 日如是之盛耶是沂州有餘未盡之孝在廣平之所思 豈非人情之所至願而孝子之所不忍聞固將銜哀問 豈尋常之比馬然則固非徒思之為尚也思如文安公 也衛輝公有餘未盡之慶在廣平之所思也廣平之思 而抱恨於九原者哉衛輝公之情固不料其子之先

乎其思也文安公在當時政事卓然有聲而任不至於 之道學修明就後為能不墜其家聲也相臺之思又宜 風木圖詩集前後皆有序為筠陽蕭君世英作世英父 思所以稱柏臺之任必求無媳其家學也可 不至於柏臺也遇於時而無命也歷世沖和萃於廣平 柏臺也有材而無時也衛輝公沂州既不媳其先而仕 開國將臣以武徳將軍出鎮海南卒於官英護喪渡 風木圖詩集序

翰林丁君顯與一時名士大夫也嗟夫木欲静而風不 一欽定四庫全書 致其思非徒思之為尚必思所以顯揚為孝之大也蕭 子所以慰勉蕭君者何其至耶蓋以親在致其養親殁 有是心者莫不為之撫卷流涕而不能自已也而諸君 止子欲養而親不侍此仁人孝子深悲疾痛之辭而凡 序送之以詩者則瓊山學官趙君考古給事王君彦舉 圖而翰林學士三吾劉公國子祭酒季安胡公為前後 海歸葬筠陽當襲職赴官故崇文熊其之子所望為此

同歌風木之詩度有以慰親於九泉而不負諸君子之 與古名將等然後相期江鄉之上賣恩泉壞衣錦山林 大奮出其素瘟佐元戎入典極機出摊旄節掛數建德 所以期待者予之言废乎其可傳信於後歟 射伊吾之北搴旗瀚海之南矣今方有事征伐宜乗時 何如且二十年來諸君子皆已物故君亦歷涉四方馳 君有文武才可以立功立事諸君子所以相期待者為 李氏孝節堂詩序

一致定匹庫全書 幕官女常隨侍賀之僚朱仕敏有子名童伯方許以適 士祖文載有隱德伯方元季以文學出身入國朝以賢 又云其先世家於滕高祖瑶曾祖震叟在宋元皆舉進 年老遂不他適養父母終身撫諸弟成立年六十七西 之將嫁而童死女為之服喪三年畢見世方大亂父母 古藤李伯方氏有女性至孝元季伯方任為貴賀兩州 卒人皆以孝節稱之予來藤其弟瓊具言圖為之顯揚 良徴辭老不任卒於京瓊負遺骸歸李氏哀毀幾絕事

母廖加謹刺繡織紅以供甘旨未當乏絕母氏之喪棺 李氏女子二美兼備豈不尤難乎且未嫁而守節雖若 海之間孝節之士能與中州抗衛燒美已足為難而況 柳衣食之美封樹之固尤為遠邇欽羨嗟夫滕為縣嶺 能權而合道又女子之絕無而僅有者也余當奉詔纂 修古今烈女傅有真定一女子與李氏事正相類蓋彼 過中然以世變親老即其所處以該其所用心則展幾 ここりま たたり 念其夫家父母老無以養而此見世亂已之父母老將 文徒集

多分四周全書 彼幸得朝廷旌之史官著之此不幸未及旌異而人傳 頌之有弟圖顯揚之子為史官將歸朝序述當世遺逸 為扶持其設心操行同符合賴不計其利害而為之也 孝相望而起未必不由李氏之風激勸之也其於世教 心大書特書不至使李氏落寞也況其家世儒者瓊亦 豈曰小補之哉 年踰六十為鄉先生其後必有與者將來藤之人士節 王氏節孝堂詩序

海寧王氏女嫁朱士賢早死王氏年纔二十六一子始 為華堂以奉母而鄉人遂以節孝名其堂馬翰林曹景 皆以為孝感王氏雖經紀兩家而不動其夫所為一物 養無所缺乏母病籲天到股和樂潛以進母病遂愈人 好沒鬻其盒中物以葬之其父母亦無子紡績織紅以 生舅姑憫其年少強使他適王氏以死節自誓未幾舅 っしつ フラーンニー 輝來請記曰俾有勘也余職太史馬能已於言哉王氏 以待其子之成立今其子明善既長尤盡孝道新其居 文段集

以一女子不為欲動情勝毅然自處難矣而又能使雨 母而以身教其子有若明善之賢而克世其家也豈不 家咸得其所是能以義報夫以正事其舅姑孝事其父 夫下有才子而強務家政者雖不得謂賢可也若處人 無儀有才非婦人也有善非婦人也不論常變而拘以 亦可羡哉世有好為膠固不通之論者桓曰婦德無非 尤難乎哉展幾可謂全徳其節孝又不待言而其才不 律夫豈可哉蓋婦人處人倫之常閨門之內上有賢 巻と

一多 好四 库全書

幾百里蕭峽之東山川清華漢武梅福郭季倫彭真 則亦將何以全其節孝哉故若王氏者宜傳之以勘伊 偷之變夫死子幼舅姑死父母無子孫如王氏者而其 誦王氏之才其有功於世道為不少矣 才不足以經紀兩家則亦何足道哉若有其才而不用 人家之絕而復續危而後安者將多有賴馬則豈徒以 鄉於新淦舊邑為同郡由淦而上幾百里由吉而下 具慶堂序

天官主事周君文瞻之家曰具慶如玉樹交柯珊瑚碎 陰有堂歸然高明爽造山川之勝奄而有之顧瞻頹署 氏居其間路其地之靈勝兹非其慶數憲文憲武與予 蓉赤松金柱雲臺瑞蓮紫虚之峯大秀郁水之洞白蓮 逸表景立杜曇蕭子雲之遺跡在馬又有太白覆箱美 網宏大壯毅與堂稱馬夫餘饋而牢體具甘青孝順而 厚善常自蕭峽而東舍舟而上白沙翠竹溪橋嘉樹之 金井流杯碧玉之泉金英碧茸水晶月華芝草之祥黄

欽定四庫全書

外欲澹如也是蓋以父母之存為慶之具而於世所謂 賢父母或子孫有不如意者外和而內乖外親而內 疎 喜矣而其尊君蒼顏白髮讀書談道內而母慈閨範具其 敬恭具和悦且兄弟具其怡子孫具其儀賓客具其宴 烏可同日而道哉且憲武讀書郡庠明倫講學推以事 福慶若富貴權勢之類而日求其具馬者非憲武兄弟 親其又必有度越尋常者愛日之誠油然而生而一 婉娩娣姒妯娌雍雅如也此其曰其慶宜也視他人有

**欽定四庫全書** 亦惟惟顏朝夕敬恭和悦以順乎親慶無不具者矣其 之所為具慶也何也父母具存外內怕悦此天理之具足 而有感乎 他福慶之具不具無容心馬而亦未當不具也已彼夫 與惟以事其親為悦斯純天理則篤其慶也憲武兄弟 者也求具他福豈理也哉舜被於衣鼓琴正南面而不 柏而傷讀書而戚歌盧而歎者聞斯堂也寧不戚然 北齊詩序

雪凝不以日熟不以火盛不隨欲以奔馳守吾玄而自 於內吾雖與子身南交而心予所居也之冥寂淨冰堅 與子行日中子日喝而清冷之求也求之於外不若居 疏通易知渴飲不厭清饑食不畏凝飲水如藥無所僵 天光赫曦萬物潔齊向景而夷明燭無蔽不慄斯以拘 抑 寒每熙夷而傲睨报衣千似濯足滄涯其人不為陳客 玄氏與赤氏為灰周流南北赤氏之居南郊也說之曰 子之居殆不如是矣玄氏瞿然而笑戚然而悲日吾

次定四車全書 又

文毅集

與觀夫羅氏孟昭之北齊予舉以詰馬先生喔然笑曰 至乎朔漠之境而已愁於燕易之方盱衡於凌層墮指 不熱猶不磷淄也予聞此久矣前年西昌尚仁蕭先生 而 其幾敏然吾未當專其固而居之懷也吾可以南 不覺暑之切肌而莊生所謂入水不濡入火不熟者 慄脛曰予不能為此行也心服玄氏獨與道俱不慄 不可以北也子且之吾北齊而觀馬於是赤氏奮目 頤賴吻庚眉勃然曰我且適之玄氏不之拒也乃未 而

たとり早亡す 間 東西行也能忘其日與蕭公遊而讀書談道如在北齊時 在也其信然乎今北齊之景士君子能言者歌之咏之 謂道無不在之言審矣今年先生沒孟昭出其詩凡若 干首叙以弁之 否乎如常以是為心不炎之附而寒之慄也則先生所 無所不至矣不知他日孟昭與其子出是北齊而南也 有是哉孟昭從予遊今其子又從予遊予當間道無不 墨氏終南書舍詩序 文鞋集

稍償其宿願而訪問往時故人皆無在者於是亦付之一 羡慕馬歲戊寅冬西遷河源過終南山下時大雪十日 後來京師與長安諸君子交遊聞其勝縣則又為之深 形容可謂備矣少時每一誦之欲往造其間而不可得 文人之歌咏侈矣至唐極盛韓退之作終南百有二韻 里禹道雅州往來經此故表識雅州之望而漢晉以來 終南山述於禹貢與惇物鳥鼠積石諸山延衰千數百 循山而至於積石窮愁羁旅之中遇壞偉絕特之觀亦

近人門

12 1. 1 June 1. L. 其為我記之美哉墨君之不忘舊也自告與吾語終南 縹緲欲往遊馬而不可得恨然者久之墨君其終南山 慨嘆而已明 年冬歸又迫於星期倍道無行但見烟雲 文等十數人二十年來或在或亡各天一方今相見者 之勝者若馬君全任君礪崔君敬謝君漁趙君節郭君 同官因語余昔當讀書山中令書猶在而此心不能一 日忘此山也爱求善畫者繪於圖士大夫成贈以詩子 人也早歲讀書郡庠洪武甲子舉於鄉來仕柏臺與余 支段集

金分四周全書 書之所藏未始有缺墨君與山為體則其鎮静亦一終 惟余暨墨君情誼與此山往來無少異也山未始有異 擊壞一觀終南之勝該歌太平之休必有期也且俾詩 南山也仕與學理同而事具馬墨君嘉言懿行常接乎 之流傳人或有忘其舊者讀之未必不惕然而有感爲 目每警乎心此心無一日不在終南書舍也所謂出處 一致者豈非墨君之謂與他日懸車還第子亦得相從 舒嘯軒序

感孰為無心理為之主彼有無虚實動靜皆實來而予 發聲之出於使然也假於器以出是聲也人之歌呼悲 聲之出於自然也鐘鼓之鏗翰都勉之激越笙磬之擊 虚而感生馬虚實相形動靜相摩也孰為有形氣為之 號笑嘻哭咷噫嚶呻吟慨然而太息劃然而長嘯者假 不齊感有萬不齊齊之以不齊而自然者出於器矣器 於口吻喉舌鼻嚏喻呼轉運動定以出是聲也聲有萬 聲之動也未有不由所感也雷霆之砰訇風水之震蕩 į しいよう と 没集 É

霆風水自然之聲日變其前而不能動其庸之静也舉 清逸無市朝之紛智主於静也而以舒啸名其軒豈七 從此之謂齊之以不齊也涂人毛仲鼎兄弟即山林之 |多定四库全書 聲體備乃獨有適於嘯乎登高而望遠感物而與懷雷 得於嘯不泥於嘯非若成公之賦蓋拘拘也歌呼悲號 恬淡沖漠之地其感也固無往而非清和會適之天也 之意塊然其中不實其虚也然則其主也固無時而非 足而近涉親物而匱煩感人而匱應浩然思安而劃然

笑嘻哭咷噫嬰呻吟喜未當不爛怒亦未當不嘯也爛 兄弟與吾友子寧練君善既已求其記他日以予言告 皆有聲也彼且何所感也此非知道者不足辨馬仲鼎 心齊坐忘無以異也不然則春蚓秋蛩嬰嗄灌莽之中 異於自然之聲也天地萬物固一體也則一軒一啸也 鳴谷應風起水湧此何如其感也仲鼎知使然之聲不 以舒其志意之所觸所傷亦必舒而後能嘯也何也山 **炎定四車全書** 之則聲感動靜之妙必有相契於微者馬諸大夫喜為 文毅非 主

舒啸軒詩因以此介之 隨所寓詩序

諱師道者任元為桂林尹其猶子從之家馬今孟鼎其從 王事封忠節公弟三復三異亦皆有大名三異之後有 余鄉蘭溪曾氏有諱三聘者朱子門人也奉使金朝死

孫也署其居曰隨所寓而士大夫皆為之詩豈非有見

於隨時之義者乎程子曰君子之道為眾所隨與已隨

於人及臨事擇所隨者皆隨也人君之從善臣下之從

隨時之義遺其子也孟鼎真建士哉詩曰 歩室廬達人大觀仁體寒區忠信為蠻貊可居有如 太虚堪與理氣同寓人寓其間方以類聚下士拘拘窘 拜先墓復求故居是果能不徒以桂林為寓而又將以 寓哉孟鼎不忘故鄉常語予曰他日諸子稍長將遣歸 之謂哉至於所寓則凡有形者皆寓也呈獨以桂林為 反此莫處州問隨萬而安載歌考樂考祥元吉視履其旋 命學者之從師臨事而從義者皆隨也而豈同流合污

钦定四軍全書

文毅集

吉

卓君逸民自號清約得翰林學士承肯宋公所為二篆 宮父子以下不倫也然未當可少在雖甚權勢一語不 多有哉卓君善篆喜為詩奉母隱居絕意聲利居山之 仲珩代書十數年已不多見矣況卓君節行廉介時豈 字道勁偉麗古意森然觀者目動神悚當是時公之子 合輒白眼相視近以能書入翰林膺聖天子寵待甚厚 **父景趣漸涵時時見於翰墨之間奇峭深特自視米南** 卓清約詩序 とこううしいう 之則寡過人之多然也吾約之則寡悔處身以約則易 約無乃固而有所不通數君曰不然人之多言也吾約 與自子之守約皆由博而及之約也而君之入道遠以 其地而充其操或能無愧者與而孔門自顏子之約禮 而君之志惟在清約日此吾之所從入道也間以語予 有清濁彼利欲者世之所謂濁也廉潔者世之所謂清 安處家以約則易足應事接物以約則易從也且凡事 予謂語稱陳文子之清與虞仲夷逸朱張之清使君處 Ų 文段集 É

金分四月全書 為一舜也若夫彈琴兵棋焚香煮若之事有則舉之無其 讀書不求甚解也綴文不求甚工也山水之樂不至於 具未當求之不因之勞神苦形務以悦人而又或絕世 矣哉書之以為清約詩序 也至於讀書級文登山臨水彈琴爽棋焚香煮茗之類 以為爲也此吾之所謂清亦展幾約於禮者乎予曰廣 世俗皆以為清事吾未能忘情馬則於清事中而約之 卷七

於外彦濟千里歸其喪管葬甚治未幾復喪母家難頻 深喜彦濟之能繼其父志為尤難也於是南耕許先生 當日彦濟當家難方殷衆為之危而彦濟生長綺紙西 能致孝今徐且年踰八十康強愉悦無嘆息之聲子尤 之子也少有峻才幹盡用譽吃如成人未幾而士琛卒 也鞠於嫂徐徐無子士琛奉之如母士琛既沒彦濟尤 仍彦齊應機接物酬酢萬變人皆以為難初士琛之少 乐親劉君彦濟故元義士知吉州劉公明道之孫士 琛

たこりる とき

文段集

Ē

請予序余惟昔義士公之在元也百戰以拒賊吃然為東 補者也子當見舟人之濟川也禮傾花危風急水駛舟 盡其道又豈劉氏所可少者哉是於世道亦不可謂無 道不可磨滅者也若彦齊年少總理家政事長慈幼舉 南保障至歲乙已仗節而死此濟川之祖大有功於世 彦濟也更字之日濟川以美之且以為人子弟勘也子 能卓立濟難處有條理其在於易有涉川之才因其字 聞而善馬今年來京師得名士大夫所為詩若干首而

金月四月全重

重疾徐如六轡在手而使泛駕之足馴然聽命其未濟 中之人相視失色獨賴善操舟者疑神定志心無一息 盖此心須臾之或怠則未能無失者彦濟勉之哉康幾 恐懼失當者固不足道既濟而有於大之色亦無取馬 稍怠目無一息不存而後指揮轉移之間風力水勢輕 钦定四事全書 也無懼色既濟也無於色而後舟之人賴以為安彼其 斯名之稱情也 蒯 所序 文载集 ŧ

是以爱君憂國之誠往往聲之言詠使人讀而感馬其 清足以勵百世之濁其貞足以愧百世之邪該哉其有 未當一日安朝廷之上而不怨也保身明哲卒老以終 嬉押該哉梅蘭同芳父子一致也竊常觀於蘭矣有春 逸羣疏翎欲舉飄然有摩天蹑嶽之意老氣横秋不可 南吾未與之晉接今見蘭所蓋其嗣也讀其文如總鶴 竊當讀劉肇慶梅南集觀其自序歷官領海位列諸侯 似於梅也梅芳有歇譽芳益遐諒哉其又嘉於梅也梅

或與芝草同則善人之室無愧或與椒桂伍則侈樂之 其陷溺於猶污也是以求潔與芳而其適其所也關無 官不污握之事君不拂其情也夢感而兆不爽其應也 蘭春風不能使其艷有秋蘭秋霜不能使其歲或懸空 所不用其芳君子無所不用其善蘭以芳為所君子以 若脆而堅知柔知剛清真而雅潔宜乎與君子同芳也 而益茂處困而能亨也或無人而自芳居幽而自貞也 人之情未有不好善而惡惡喜馨芬而惡擅臭者惟 文毅集

次主四事全書 一

Ŧ

芳而善人之為蘭所蓋久而與之化也而好謂其然也 善為所蘭止於若人止於善各止於其所而已曾以出 能變而為惡蘭之不能變而為猶也即撅而級之焚而 虞之不殺竊脂之不穀雖強而變之不能也君子之不 處造次顛沛而離其所哉正如水之必涼火之必熱關 蘭所字作古壯遊嶺海中丁亂離搶攘四十年所謂 拔而焚級之餘本根固在貞性不虧春風秋霜郁郁然 温之終莫能變而移之其天定矣予當謂不知蘭所之

是為序 而傷茂草蓋滄桑變遷之餘人亡而事益以遠前日之 鼎者讀書尚文克世其家多藏古器名畫一日示余以 唐李愿隱居太行之盤谷其後子孫碩大以蕃散而居 ここり !! こにし 先世所傳盤谷圖且慨然曰過殷墟而悲離黍瞻周道 而芳未有艾也人皆稱之曰蘭所其宜也夫其宜也夫 四方者不可勝計今文水城東李氏亦其裔也有曰士 李士鼎盤谷圖序 1 文徒集 F

無愧盍亦嘉惠一言以昭來兹庭圖不虚作而前人 所賴者昌黎韓子之文幸傳於今不很吾之斯圖藏雖 盤谷不可得而復有前人之流風餘韻不可復親矣其 容樹林隱翳亭構翼然者非其盤旋之區乎至若泉出 有賴馬余感其言展圖而玩之隱然盤谷之在目乃指 橋匹馬琴劍自隨者非愿之歸隱乎環乎兩山深獨有 而告之曰兹其為太行之陽耶維谷之口維山之阿短 已久詎能保其長存不至朽且壞乎今文章鉅筆子宜 へ益

到好四周全書

求之於其人求於其人則韓子之文得之弟緣文考蹟 美可採而如此水有鮮可釣而食者又其無適不安無 泊乎彼丘之高可升而望此樹之茂可坐而憩彼山有 平以曠土沃而肥原田之膴無者其可核可穑之處也 往不樂之地也嗟乎俛仰之間其景象形勝數百年猶 山間沿澄涓潔衍之為陂池者其可濯可沿之所也域 )所以善繼善述引之勿替則今日之城東猶昔日之 日何斯圖之臻妙若是也雖然使求之於其圖孰若

易定四库全書 盤谷又何拘拘於太行之陽徒食其舊徳虚勤其景仰 今歲夏暑倍於常年山中静人事有泉石據依猶因置 道途行役舟車勢場其為煩苦尤人所不能堪也黃君 廢弦誦兒童至忘飲食酣寢漿薄之問飛走喘喝思惟 出彭蠡亂九江西自陽避登陸步走又數百里而始達 叔昭來別余去視弟季岳汝寧將觸熱二千里遠舟行 送黄叔昭往汝寧序

欽定四庫全書 岳的與余言未當不終夜感切也其前日過湖口總 若不知炎暑之煩苦也謂非天理人情於是為至耶 弟子而享其尊奉宣聖人之道而裨造化之機非有急 岳筮仕年甚少父母鐘愛之太夫人惟其疾之憂致齊 祈 季岳曆天子命罷美才處供地巍然擁拿比夏楚治羣 輒往視之行李粗足惟欣無地士友勘之姑緩不可初 須持維也叔昭誠愛弟自三月得報即乗鄉人便舟 神翼其體往年歸覲省將別屏坐不忍視其出門季 ·文载集 圭

過之見匡廬之蒼蒼彭蠡之洋洋俯仰興懷未有不肝 岳能得爱於父母兄弟如此其至者豈徒以情恨之私 甚於昔時服秦難而拜道左者何也學校所以明倫季 慕之情當何如哉想其徙倚莲總之間風飄雲駛瞬息 無以慰之也則是行亦太夫人志也人情天理於是為 至也想其至也怡偷接見之頃汝寧之人之觀感將有 四日程不可一至家太夫人聞之曷勝思念而季岳望 而恨望也夫彼此思慕如此其不容已非叔昭之行

乗言宋真宗皇帝當大書其殿柱曰彭齊之文章楊丕 哉是天理至情之所感也夫天理至情人所同然汝寧 而皆在吾鄉指顧之間兹非大宛之渥注崑崙之元園 之清謹蕭定基之政事可為江西三瑞夫以江西三瑞 之人有不相觀而化者乎叔昭行矣 唐書史官有曰蕭氏有功德於民餘祉在其子孫至唐 八葉宰相名德相望世家之盛古未有也吾觀宋史郡 送蕭觀復省兄安慶序

一致定四車全書 一

文毅集

圭

悠然而感仰而歎耶唐史臣但知八葉宰相在當時以 **嫩宜其至於今尚賢而競學令後人有可親而仰聞** 為古所未有之盛义安知今日子孫尚能守其先德令 觀復之念先於後兢兢怕怕以家世自持令人安得不 君臣天章奎畫昭耳瑩心温厚和平從容不迫君臣之 而為乎可親畫且猶然知在當時而聞議論乎又得宋 風也余當從觀復得定基蕭侯畫像而拜之凛乎可敬 肝膽照應忠孝淪浹故家文物此其所以可貴而況 其

况若觀復一門為其子孫者寧不以仕止隱顯念之深 家賢者之後莫不欣然思有以襲其樂而蹈其軌轍馬 鄉節行文章多出於三端之後則三瑞有以倡之於前 楊文節公所考據甚可信觀復去定基公總十四世耳 以文章以孝行以武功以貞節班班類相頡頏凡為故 其功德益以遠矣而況子孫乎就蕭氏論之或以政事 予當謂世有不言而化之師表有不道而進之學校吾 人有所與起耶蓋定基系在唐丞相復之後見於誠齊

飲之四車全

文毅集

Ŧ

通天竺西南巨川入於南海元數大臣先後至其處軍 國 云 觀復之行以念深持重弱之而能言者亦以此而歌之 復以弟省兄固常事也以賢而仕又蕭氏之常事姑於 先世為之師表觀復不遠千里而往省之告别於予觀 而持之重乎觀復之兄儀復仕於皖城牧民奉法亦 朝初置陝西行都司於河州控西夷數萬里跨崑崙 送習賢良赴河州序 惟

火足の甲心島 矣予前年謫居履其山川訪其圖誌神禹之導河積石 |肉食如中國之用酒視酒體及若好若者其俗非| 衛既肅夷戎率服通道置驛烟火相望過能行都司革 實自此始而積石西去河州數千里宋置積石軍固唐 肥 殺害而外夷之貨馬貴中國之貨以荈若為上蓋夷人 而善馬之出布於天下先是民商夷屬利相售易或相 河州寧河等府縣該軍民指揮司治之與中原郡縣等 **羶潼則羣聚穹廬中置金煮拜岩調以童酪而濟其** 文教集 盖 日

曹满陞茶馬使於河州故備述其事以送之且知是司 息而茶之粗惡亦少數年之間河州之馬如雞豚之畜 之供於利而已習君寅實新淦之玉笥人初為廣德倉 而夷人亦往來慕知識效信義有仕為臣者不但茶馬 則其飲食嗜慾宜稍近於中國而先太祖高皇帝因其 虞三代之舊治周衰而擴於夷至令數千年而復其指 而民得以馬易之夷人亦知有法禁思畏殺害之風帖 而利之也置茶馬司河州嚴運巴陝之茶於司官茶

1

欽定四車全書 太祖時有以其名薦者今年始赴京師以老得歸清隱 是之傳也今太常丞清隱敏修之後人也其兄維彰在 是名起雖敏修之才學有過人者而非二公亦不能如 宋太史黄庭堅仕吾盧陵時萬敏修先生實從之遊後 虞三代之邦也且以告予内兄高君馬 太史與蘇東坡同知貢舉得敬修文相賀以為異人由 也中外之交義利之辨寅賓尚忠信而篤敬河州故唐 送葛維彰歸廬陵序 文教 集 蓋

先外大父在翁高封州有弟曰觀翁博古善豪籍從封 哉而又何假他人以傳哉 於先人矣若予者豈不有愧於庭堅與東坡而何敢妄 求予一言贈之曰使他日有傳也予曰君兄弟固無愧 為君傳也哉雖然維彰歸而教其鄉人子弟已修其德 而又使人皆成其德自有不可民者而何愿其不傳也 官都下獨屏一室詹如也封州仕有名宗族多依從 送高仲仁赴官瑞昌序

學專門學士大夫踵門請授恐不得獨於汝機仲子德 意獨為汝概飲連日汝概去輛不辭永豐劉倩玉春秋 素嚴正客少輕押余幼時但見汝職來家君未當不迎 學於縣齊遊學隆與益貧甚遇亂三十年無所屈家君 門惟笑也歐陽可遠素清倨當謂終元朝無一人得其 觀翁不屑也後家居食貧或勘之出為學者師曰禮聞 來學未聞往教竟以隱終子汝機少從先太史公真我 學有寸長同列上下官慕封州翹爭舉辟為屬為教官

一次主写真全書

文毅集

麦

每與予坐頃刻未當不慨然思吾仲仁也申之向又同 然酒後耳熱學學然論說古今作文章琅然自歌自喜 不得傳也今德也可吾無憾矣德字仲仁又貧似其父 仲仁所居東山故云仲仁事母孝而不幸貧且病尊君 在翰林暇日朝矯首南望日東山何在安得見仲仁哉 教之數年曰吾當以吾受師春秋學今老矣恐自我遂 沒後貧病逾甚二十年來都縣多方辟之不起今天子 了不知王公貴人在側也仲仁最善交余友申之兄弟

龍飛遂以瑞昌訓導之舉來試文章禁中對策直言懷 ランフ・ラー シトラー 今稱善治邑民戴之如父母者寥寥載於簡書何其少 古者百里之地為千乗之國後之大縣倍之而自漢至 慨殊不覺其貧病人也於是仲仁之貧守三世矣隱使 亦三世矣瑞昌在廬山下有濂溪周子之風在馬願無 也子當疑後之人不如古之人矣然觀載籍以來畫州 愧於濂溪以無負於三世無負乎師友也 送永豐今趙君季通序 文毅集

則大國之未必善而當有以事之師旅之與不得已而 催科煩擾公私困逼猶待三年之久而後功可期也然 乎大國之間加之以師旅因之以饑饉由也為之比及 當有以濟之機健之灾不可測而當有以備之不可以 三年可使有勇且知方也夫以季路之才當繁劇之間 矣獨冉有季路為政事稱首季路之言曰千乗之國 而又豈謂後之人不如古哉仲尼之門聰明才質亦多 分國其間賢諸侯與賢大夫則亦寥寥乎不見其甚多 捅

多好四月全書

緩弛廢又不可以急迫理譬之治亂繩解禁絲抽刀而 しこり 自いたう 入於民之心志而後率以事上也如子弟之事父兄用以 濟師旅備鐵僅如同舟之遇 風家人之放災無難色無 新漸清之功使其撫摩告誠熟乎人之耳目誠信側怛 以緩弛廢也惟定其心而不期急迫之效於其政而日 斷之非不快意也而無全繩矣故不可以急迫理也坐 計而事無不理民無不安也故當觀聖門師弟子之 而置之非不安且逸也而尺寸之功無所期又不可 文毅集 兲

一一一日子書 吉有永豐縣自宋致和中析吉水所置方二百里猶古 問答皆實理之可行非若後世之喜為高大而無實也 利為之也是以撫摩告誠熟乎人之耳目誠信側但入 艱難師旅之與飛輓之勞幸未有饑饉之困而素以狹 旦夕兹即以季路之善政者尚以為難而天台趙君季 千乘之國也比吉水為小介於大府督責所萃今時方 小之地彫敝之餘催後者每欲與廬吉齊科而取具於 治政三年民皆悦之趙君惟其民是恤不計其身之

時而傳於後世也簡書之紀豈得而遺之哉 者也而又遇其難也尚日試之不已則吾見其稱於當 於民之心體而永豐之人士君子至於細民稱道君如 起家讀書有得季路見之於言志而君果有以行其志 一辭也而余同郡之民亦稱之無問言趙君初以學官

火已日東人

文報集

芜

金ない人人 文毅集卷七 卷七